

【喜忍、悟忍與信忍】

(科註第1099頁第8行第574集2012年10月19日)

《佛學大辭典》「三忍」條(節錄)：善導所說之三忍：

一喜忍，念彌陀佛而生歡喜心者。

二悟忍，念彌陀佛而悟解真理者。

三信忍，念彌陀佛而住於正信者。

善導解觀經中，韋提希夫人所得之無生法忍為此三忍。

觀經序分義二曰：「因此喜故即得無生之忍，亦名喜忍，亦名悟忍，亦名信忍。」

淨土文類行卷曰：「慶喜一念相應後，與韋提等獲三忍。」

○喜忍：(術語)淨土門所說三忍之一。現見阿彌陀佛而心生歡喜之時，得無生法忍，是名喜忍。

觀無量壽經曰：「見彼國土，極妙樂事，心歡喜故。應時即得無生法忍。」

觀經序分義曰：「阿彌陀佛國清淨光明忽現眼前，何勝踴躍。因此喜故，即得無生之忍。亦名喜忍、亦名悟忍、亦名信忍。」

○悟忍：(術語)韋提希夫人以現見阿彌陀佛。廓然大悟，得無生之忍。是為悟忍。又曰喜忍，亦名信忍。十信位之忍也。

觀經定善義曰：「阿彌陀佛國清淨光明忽現眼前，何勝踴躍，因茲喜故，即得無生之忍，亦名喜忍，亦名悟忍，亦名信忍。」中

略」是多是十信中忍，非解行已上忍也。」

### 【信忍】

《三藏法數》：謂別教菩薩，於十住位中，修習空觀，信一切法皆悉空寂，能於空法，忍可忍證，故名信忍。（十住者，發心住、治地住、修行住、生貴住、方便具足住、正心住、不退住、童真住、法王子住、灌頂住也。空觀者，謂觀一切法，性相皆空也。）

《三藏法數》：信者，隨順不疑也。謂初地、二地、三地菩薩，得無漏信，故名信忍。（初地即十地中初歡喜地，二地即離垢地，三地即發光地。）